

Beavdegirji

Sámi Giellagáldu davvisámegiela giellajuogusčoahkkinn juovlamánu 10. ja 11. beivviid.

10.12.2015 10.15 - 16.50

11.12.2015 08.00 - 12.30

Biret Anne Baal Bals vulggii čoahkkimis 10.12. 2015 dii. 14.35.

Lahttut:

Aslak-Nils (Ailu) Valle, Rávdná Turi Henriksen, Marit Anne Allas, Helena Omma, Kaarina Vuolab-Lohi, Biret Anne Bals Baal (skype bokte)

Hálddahusbargit:

Marja Partapuoli, Bigga-Helena Magga, Marko Marjomaa, Mika Saijets

Áššelistu	Áššenamma
001/15	Čoahkkima rahpan
002/15	Lágalašvuohta ja mearridanváldi
003/15	Gohččuma ja áššelistu dohkkeheapmi
004/15	Konstitueren
005/15	Beavdegirjedárkkisteddjiid ja ijenaid rehkenastiid válljen
006/15	Čállinrávagirji giedahallan
007/15	Eará ovdanboahtti áššit
008/15	Čoahkkima loahpaheapmi

001/15 Čoahkkima rahpan

Marko Marjomaa rahpá čoahkkima 10.50 Ruoŧa áigge.

002/15 Lágalašvuohta ja mearridanváldi



Sámi Giellagáldu bargoortnega § 32 mielde lea giellajuhkosis mearridanváldi go unnimus bealli lahtuin leat čoaččimis ja jus lea unnimusat okta ovddasteaddji sihke Norggas, Ruotas ja Suomas.

Mearrádus: Čoaččkin lea lágalaš ja čoaččimis lea mearridanváldi

003/15 Gohččuma ja áššelisttu dohkkeheapmi

Bargoortnega § 26 mielde bovde prošeaktajodiheddji giellajuhkosa vuosttaš čoaččimii. Bargoortnega § 25 mielde galget čoaččkinbovdehus, áššelistu ja áššebápirat sáddejuvvot golbma vahku ovdal čoaččkima.

Mearrádus: Gohččun ja áššelistu dohkkehuvvo

004/15 Beavdegirjedárkkisteddjiid ja jienaid rehkenastiid válljen

Davvisámegiela giellajuogus vállje guokte beavdegirjedárkkisteaddji Sámi Giellagáldu bargoortnega § 35 mielde. Beavdegirjjidárkkisteaddjit evttohuvvojit ja mearriduvvojit čoaččimis. Beavdegirjjidárkkisteaddjit doalbmaba maiddái jienaid rehkenastin.

Mearrádus: Beavdegirjjidárkkisteaddjin válljejuvuiga: Helena Omma ja Áilu Valle

005/15 Konstituieren

SáFá2 prošeakta lei ovttasbargoprošeakta Sámedikkiid gaska mii konkrehta álggahii Sámi Giellagáldu . Dát prošeaktaáigodat álggii 01.01.2013 ja dan áigodahkii válljejedje Sámedikkid lahtuid giellajuhkosiidda. Dáid mandáhta nogai dalle go prošeakta loahpahuuvui, 30.06.2014, muhto SPR mearridii guhkidit mandáhta 31.12.2014 rádjai, dájna ákkain ahte eai háliidan loahpahit Sámedikkiid giellaovttasbarggu vaikko vel ovttasbargoprošeaktaáigodat nogaige.

Giellagáldu prošeakta álggahuuvui 01.08.2015, ja prošeakta bistá 31.05.2018. Dán áigodagas lea ođđa mandáhtaáigodat. Vuosttaš čoaččimis galgá válljet ságadoalli ja várreságadoalli. Ságadoalli ja várreságadoalli ferteba leahkit fásta lahtut, ja ságadoalli ja várreságadoalli eaba sáhte boahitit seamma riikkas, bargoortnega § 9 mielde.



SÁMEDIGGI SAMETINGET



Sámediggi
Sámedigge
Sámediggi
Sametinget



REGIONAL COUNCIL
OF LAPLAND



ROMSSA fylkkuohkan
TROMS fylkeskommune

Suoma beale lahtuid mandáhta lea fámus dan jagi lohppii. Suoma sámedikki giellajuhkosa ođđa lahtut válljejuvvojit sámedikki vuosttas dievasčoahkkimis jagi 2016 álgobeale.

Mearrádus: Juogus vállje čoahkkinjođiheaddji; Maret Anne Allas. Giellajuhkosa konstitueren sirdojuvvo čuovvovaš čoahkkimii.

006/15 Čállinrávagirjji giedahallan

Norgga Sámediggi lea bivdán Sámi Giellagáldu geahččat, meannudit ja dohkkehit ođđa veršuvnna čállinnorbma girjjázis "Čállinrávagirji". Sámi Giellagáldu davvisámegiela juhkosa mandáhta leage mearridit normerenáššiin, bargoortnega § 9 mielde.

Čállinrávagirjji vuosttaš veršuvnna almmuhii Norgga Sámedikki giellaossodat ja Sámedikki oahpahasossodat 2003:s. Ovdasánis čuožžu ahte girjai leat čohkkejuvvon čállinrávagat vuosttažettiin oahppogirječállide. Girjjáš čujuha čállinjuolggadusaide ja čilge earet eará mo geavahit čállinmearkkaid dego rihku, ja mo juohkit sániid. Dán girjii leat maid giellagáhttenrávagat ja sierra rávvagat jorgaleddjiide ja gielladárkkisteddjiide. Dalá girjii čállimii ásahuvvui referánsajoavku ja lágiduvvojedje maid guokte seminára.

Norgga Sámedikki 2014:s bušehtas várrejuvui ruhta ođastit Čállinrávagirjji. Girjjáš lea ođasmahttojuvvon sihke sisdoalu ja hámi dáfus. Dás lea guođđán giellagáhttenoasi ja buot eará mii ii guoska riektáčállimii ja mearkkaid geavaheamis. Das leat maid váldon vuhtii ođđaseamos sátnegirjijt, giellaoahppagirjijt, ja ránnjágielaid čállinrávagat. Boađus lea oalle ollu rievdaduvvon vuosttaš veršuvnna rájes.

Muhtin ráje dan seamma referánsajoavkkus leat leamaš mielde ođastahttimis. Ođasteami referánsajoavkkus leat leamaš Ole Henrik Magga, Sámi Allaskuvla; Kaisa Rautio Helander, Sámi Allaskuvla; Johanna Johansen Ijäs, Sámi Allaskuvla; Inger Marie Oskal, jorgaleaddji; Else Turi, NRK Sápmi; Karen Juuso Baal, Romssa Sámeskuvla ja dasa lassin Norgga Sámedikki hálddahusa bargit.

Čállinrávagirji biddjui almmolaš gulaskuddamii geassemánus, gulaskuddanáigemearri lei čakčamánu 30.b.

Referánsajoavkkus lea leamaš čoahkkin mas leat meannudan gulaskuddancealkámušaid, ja loahpalaš veršuvdna lea sáddejuvvon Sámi Giellagáldu meannudeapmái. Girji galgá vuosttažettiin almmuhuvvot neahtas, nu ahte dan sáhttá rievdatit ovdamearkka dihte jus norpmat rivdet.

Ovdasánis daddjo ná:

“Sámegiela čállingiela nannema várás dárbašuvvojit rávvagat mo čállinmearkkaid geavahit, mo vierissániid heivehit sámegillii, mo juohkit sániid, goas geavahit stuora ja unna bustáva, mo čállit ja sojahit logu, mo geavahit oanádusaid ja mo ja goas čállit goallossániid. Dáid rávvagiid čuovvun duddjo oktasaš málle normerejuvvon čállingiela geavaheapmái mii lea sihke ávkkálaš ja dárbašlaš oahppogirjeteavsttain”.

Jus Čállinrávagirji ja dan norpmat galget gustot miehtá davvisámegiela guovllu, de lea dárbu ahte davvisámegiela giellajuogus geahčada ja árvoštallá davviriikkalaš perspektivvas. Ulbmilin livččii ahte buot davvisámegiela geavaheddjiin leat seamma norpmat.

Miellodus 1: Norgga Sámedikki bivdin dohkkehít Čállinrávagirji

Miellodus 2: Čállinrávagirji

Miellodus 3: Čállinrávagirji oktan hálddahusa kommeanttain

Mearrádusárvalus:

Sámi Giellagáldu davvisámegiela giellajuogus dohkkeha Riektačállinrávvagat -girjji, juos dat dievasmahttojuvvo/rievdaduvvo giellajuhkosa rávvagiid vuođul. Dohkkeheapmi šaddá fápmui go davvisámegiela giellajuogus lea gávnahan, ahte čállinrávagirji lea rievdaduvvon giellajuhkosa fuomášumiid vuođul.

Hálddahus sadde giellajuhkosa rávvagiid refereansajovkui.

Mearrádus: Sámi Giellagáldu davvisámegiela giellajuogus lea guorahallan Riektačállinrávagirjji ja buktán rievadanárvalusaid. Ášši saddejuvvo ruovtluotta Norgga Sámediggái. Riektačállinrávagirji dohkkehuvvo dasto go giellajuhkosa rávvagat leat váldon vuhtii.

Sámi giellagáldu hálddahus dárkkista divodemiid ja buktá giellajuhkosii dohkkeheapmái.

007/15 Eará ovdanboahhti áššit

Mearrádus: Eai leat eará áššit.

008/15 Čoahkkima loahpaheapmi

Mearrádus: Čoahkkin loahpahuuvui 11.12.2015 diibmu 12.30.



Marit Anne Allas

Ságadoalli



Bigga-Helena Magga

Čálii



Aslak Nils Valle

beavdegirjjidárkkisteaddji



Helena Omma

beavdegirjjidárkkisteaddji